



Broj: 10-05-23459/16  
Sarajevo, 16.08.2016.godine

**SKUPŠTINA KANTONA SARAJEVO**  
**-Služba za skupštinske poslove-**

**PREDMET:** Odgovor na poslaničko pitanje

**Zastupnik Rasim Lakota** je na 18. Radnoj sjednici Skupštine Kantona Sarajevo, održanoj dana 27.07.2016.godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu vezano za problem pružanja stomatoloških usluga djeci sa poteškoćama i dostavio je u pisanoj formi.

"U kantonu Sarajevo već više od deset godina nije riješen problem pružanja stomatoloških usluga djeci sa poteškoćama. Održano je više okruglih stolova na ovu temu i na žalost pitanje stomatoloških usluga nije riješeno.

U osnovi, procedura navedene usluge se sastoji od laboratorijskih pretraga, opće anestezije i sanacije zuba. Ovakva vrsta stomatoloških usluga ne može se ni porediti sa onim standardnim, jer zahtjeva mnogo veću odgovornost, a naročito kada se radi o djeci sa poteškoćama.

U privatnim klinikama navedene usluge koštaju od minimalno 600 KM pa naviše, koje većina roditelja djece sa poteškoćama ne mogu priuštiti te su djeca prisiljena na trajnu patnju i agoniju u slučaju zubobolje.

Tokom zadnjeg sastanka koji se održao 10.02.2016.godine u Zavodu Mjedenica, rečeno je da:

"Pitanje stomatološke zaštite i osiguranja dostupnosti ove usluge za djecu s poteškoćama u razvoju tokom 24 sata će se rješavati u saradnji sa Stomatološkim fakultetom".

Stoga pokrećem ovu inicijativu da se riješi problem pružanja stomatoloških usluga djeci sa poteškoćama kako bi roditelji, kao i roditelji tipične djece u razvoju, mogli odvesti svoju djecu s poteškoćama kod zubara".

U vezi sa podnesenom inicijativom dostavljamo slijedeći

## ODGOVOR

Ministarstvo zdravstva Kantona Sarajevo je upoznato sa problemima u ostvarivanju prava na stomatološku zaštitu navedene populacije od 2008. godine, kada su obezbjeđena finansijska sredstva za stavljanje u funkciju namjenske ambulante za

pacijente sa posebnim potrebama u općoj anesteziji na klinici za oralnu hirurgiju pri Stomatološkom fakultetu u Sarajevu.

Stručna komisija Ministarstva zdravstva Kantona Sarajevo je iste godine izvršila neposredan uvid o ispunjenosti uvjeta prostora, opreme i kadra, a Fakultet je bio u obavezi da dostavi Ugovor sa angažiranim stručnim kadrom, konkretno sa specijalistom anestezije i reanimacije i specijalistom dječije i preventivne stomatologije. Rješenje o odobrenju za rad navedene ambulante ovo ministarstvo nikada nije izdalo jer Fakultet nije dostavio propisanu dokumentaciju za stručni kadar Ambulante.

Zavod zdravstvenog osiguranja Kantona Sarajevo finansira pružanje stomatološke zaštite na klinikama Stomatološkog fakulteta sredstvima iz obaveznog zdravstvenog osiguranja u iznosu kojim je moguće obezbjeđiti kontinuitet u pružanju stomatološke zaštite sa i bez opće anestezije pacijentima sa različitim stepenom invaliditeta odnosno sa poteškoćama u razvoju.

Način i obim pružanja usluga osiguranicima Kantona Sarajevo na klinikama koje posluju u sastavu Stomatološkog fakulteta Univerziteta u Sarajevu u prethodnom periodu nije adekvatno riješen iz razloga neriješenog pravnog statusa stomatoloških klinika, a što će biti predmetom razmatranja u okviru pokrenutih aktivnosti i reformi koje ovo ministarstvo namjerava okončati do kraja 2016.godine.

Uvažavajući potrebe pacijenata sa poteškoćama u pogledu ostvarivanja prava na stomatološke tretmane u općoj i lokalnoj anesteziji, Ministarstvo zdravstva Kantona Sarajevo je pokrenulo aktivnosti u suradnji sa Zavodom zdravstvenog osiguranja Kantona Sarajevo u smislu pripreme javnog poziva svim zdravstvenim ustanovama koje obavljaju navedenu djelatnost i koje su spremne preuzeti pružanje usluga ovoj populaciji, a sa kojima će se zaključiti ugovor do konačnog rješenja ovog pitanja.

*S poštovanjem,*



**MINISTRICA**

*Zilha Ademaj, dipl.oec*



web: <http://mz.ks.gov.ba>

e-mail: [minzdrav@ks.gov.ba](mailto:minzdrav@ks.gov.ba)

Tel: + 387 (0) 33 562-104, Fax: + 387 (0) 33 562-243  
Sarajevo, Reisa Džemaludina Čauševića br 1



3077  
04.08.16.  
K

Broj: 01-05-23459/16  
Sarajevo, 28.07.2016. godine

**MINISTARSTVO ZDRAVSTVA  
KANTONA SARAJEVO  
n/r ministrice**

**Zastupnik Rasim Lakota** je na 18. Radnoj sjednici Skupštine Kantona Sarajevo, održanoj 27.07.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, pokrenuo zastupničku inicijativu vezano za problem pružanja stomatoloških usluga djeci sa poteškoćama i dostavio je u pisanoj formi.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo“- Drugi novi prečišćeni tekst, broj 41/12 i broj 15/13, 47/13, 47/15), u pisanom obliku, obavijestite Skupštinu o učinjenom.

*Prilog: Inicijativa Rasima Lakote*

CO:  
-sekretar SKS  
-sekretar Vlade Kantona



**PREDSJEDATELJICA  
SKUPŠTINE KANTONA SARAJEVO**

Prof. Ana Babić



KANTON SARAJEVO

Skupština Kantona Sarajevo

Rasim Lakota, zastupnik



SKUPŠTINA KANTONA SARAJEVO

Datum: 27.07.2016.g.

**Predmet: Inicijativa za rješavanje problema pružanja stomatoloških usluga djeci sa poteškoćama u razvoju**

U kantonu Sarajevo već više od deset godina nije riješen problem pružanja stomatoloških usluga djeci sa poteškoćama. Održano je više okruglih stolova na ovu temu i na žalosti pitanje stomatoloških usluga nije riješeno.

U osnovi, procedura navedene usluge se sastoji od laboratorijskih pretraga, opće anestezije i sanacije zuba. Ovakva vrsta stomatoloških usluga ne može se ni porediti sa onim standardnim, jer zahtjeva mnogo veću odgovornost, a naročito kada se radi o djeci sa poteškoćama.

U privatnim klinikama navedene usluge koštaju od minimalno 600KM pa naviše, koje većina roditelja djece sa poteškoćama ne mogu priuštiti te su djeca prisiljena na trajnu patnju i agoniju u slučaju zubobolje.

Tokom zadnjeg sastanka koji se održao 10.02.2016. u Zavodu Mjedenica, rečeno je da:

**“Pitanje stomatološke zaštite i osiguranja dostupnosti ove usluge za djecu s poteškoćama u razvoju tokom 24 sata će se rješavati u saradnji sa Stomatološkim fakultetom”.**

Stoga pokrećem ovu inicijativu da se riješi problem pružanja stomatoloških usluga djeci sa poteškoćama kako bi roditelji, kao i roditelji tipične djece u razvoju, mogli odvesti svoju djecu s poteškoćama kod zubara.